

四庫全書

集部

欽定四庫全書

集部

御定全唐詩卷七百七十九至

詳校官庶吉士臣胡鉅

主事銜臣徐以坤覆勘

總校官知縣臣繆琪

校對官中書臣陸湘

膳錄監生臣程鵬飛

欽定四庫全書

御定全唐詩卷七百七十四

吉師老

詩四首以下世次爵里俱無考

題春夢秋歸故里

一本無秋歸故里四字

故國歸路賒春晚在天涯
明月夜來夢碧山秋到家
開窓聞落葉遠墅見晴鴉
驚起曉庭際鶯啼桃杏花

看蜀女轉昭君變

妖姬未著石榴裙
自道家連錦水濱
檀口解知千載事

清詞堪歎九秋文
翠眉頻蹙楚邊月
畫卷開時塞外雲
說盡綺羅當日恨
昭君傳意向文君

放猿

放爾千山萬水

一作里

身野泉晴樹好為鄰
啼時莫近

一作

向瀟湘岸明月孤舟有旅人

驚鷺

江島濛濛煙靄微
綠蕪深處刷毛衣
渡頭驚起一雙去
飛上文君舊錦機

吳商浩詩九首

巫峽聽猿

巴江猿嘯苦響入客舟中孤枕破殘夢三聲隨曉風連
雲波澹澹和霧雨濛濛巫峽去家遠不堪魂斷空

長安春贈友人

繁華堪泣帝城春粉堞青樓勢礙雲花對玉鉤簾外發
歌飄塵土路邊聞幾多遠客魂空斷何處王孫酒自醺
各有歸程千萬里東風時節恨離羣

塞上即事

身似星流跡似蓬
玉關孤望杳溟濛
寒沙萬里平鋪月

曉角一聲高捲

一作繞

風戰士歿邊魂尚哭
單于獵處火

一作燒

猶紅分明更想殘宵夢
故國依然在

一作到

甬東

宿山驛

文戰何堪功未圖
又驅羸馬指天衢
露華凝夜渚蓮盡

月彩滿輪山驛孤
岐路辛勤終日有
鄉關音信隔年無

好同

一作乘

范蠡扁舟興高挂
一帆歸五湖

北邙山

北邙山草又青青今日銷魂事可明
綠酒醉來春未歇
白楊風起柳初晴
岡原旋葬松新長
年代無人闕半平
堪取金爐九還藥
不能隨夢向浮生

秋塘曉望

鐘盡疎桐散曙鴉
故山烟樹隔天涯
西風一夜秋塘曉
零落幾多紅藕花

水樓感事

高柳螢啼雨後秋年光空感淚如流滿湖菱荇東歸晚
閑倚南軒盡日愁

泊舟

身逐煙波魂自驚木蘭舟上一帆輕雲中有寺在何處
山底宿時聞磬聲

湘雲

首句缺一字

滿湘江雲瑩空紛紛長對水溶溶日西遙望自歸處
盡挂九疑千萬峰

沈祖仙一作山詩一首

秋閨

白馬三軍客
青城十載思
玉庭霜落夜
羅幌月明時
鑪冷蜘蛛喜
燈高一作寒
熠燿期愁多
不可曙
流涕坐空幃

邵士彥詩一首

秋閨

斜日空庭暮
幽閨積恨盈
細風吹帳冷
微月度窗明
怨坐啼相續
愁眠夢不成
調琴欲有弄
畏作斷腸聲

吳大江詩一
首

擣衣

沙塞秋應晚金閨恨已空
那堪裂紉素時許出房櫳
杵影弄寒月砧聲調夜風
裁縫雙淚盡萬里寄雲中

荊叔詩一
首

題慈恩塔

漢國山河在秦陵草樹深
暮雲千里色無處不傷心

蕭靜詩一
首

三湘有懷

柳絮飛來別洛陽
梅花落後到三湘
世情已逐浮雲散
離恨空隨江水長

元凜詩二首

九日對酒

嘉辰復遇登高臺
良朋笑語傾金壘
烟攤秋色正堪翫
風惹菊香無限來
未保亂離今日後
且謀歡洽玉山頽
誰知靖節當時事
空學狂歌倒載迴

中秋夜不見月

蟾輪何事色全微
賺得佳人出繡幃
四野霧凝空寂寞
九霄雲鎖絕光輝
吟詩得句翻停筆
翫處臨尊却掩扉
公子倚欄猶悵望
嬾將紅燭草堂歸

徐振詩二首

雷塘

九重城闕悲涼盡
一聚園林怨恨長
花憶所為猶自笑
草知無道更應荒
詩名占得風流在
酒興催教運祚亡

若問皇天惆悵事只應斜日照雷塘

古意

擾擾都城曉又昏六街車馬五侯門箕山渭水空明月
可是巢由絕子孫

張佺詩一
首

寄人

酷憐風月為多情還到春時別恨生倚柱尋思倍惆悵
一場春夢不分明

方澤詩一
首

武昌阻風

江上春風留客舟，無窮歸思滿東流。
與君盡日閑臨水，貪看飛花忘却愁。

景池詩一
首

秋夜宿淮口

露白草猶青，淮舟倚岸停。
風帆幾處客，天地兩河星。
樹靜禽眠草，沙寒鹿過汀。
明朝誰結伴，直去泛滄溟。

張鴻詩一

贈喬尊師

長忌時人識有家雲澗深性惟耽嗜酒貧不破除琴靜
鼓三通齒頻湯一味參知師最知我相引坐檉陰

姚揆詩二

村行

天淡雨初晴遊人恨不勝亂山啼蜀魄孤櫂宿巴陵影
暗村橋柳光寒水寺燈罷吟思故國窓外有漁罾

潁川客舍

素琴孤劍尚閑遊
誰共芳尊話唱酬
鄉夢有時生枕上
客情終日在眉頭
雲拖雨脚連天去
樹夾河聲繞郡流
回首帝京歸未得
不堪吟倚夕陽樓

王訓詩一

獨不見

日晚宜春暮風軟
上林朝對酒近初
節開樓蕩夜謠石
橋通小澗竹路上
青霄持底誰見許
長愁成細腰

張熾詩一

歸去來引

歸去來歸期不可違相見旋明月浮雲共我歸

虞羽客詩一

結客少年場行

幽并俠少年金絡控連錢竊符方救趙擊筑正懷燕輕
生辭鳳闕揮袂上祈連陸離橫寶劒出沒驚征旃蒙輪
恒顧敵超乘忽一作總爭先摧枯逾百戰拓地遠三千骨

都魂已散樓蘭首復傳龍城含宿霧瀚海接一作隔遙天

歌吹金微返振旅玉門旋烽火今已息非復照甘泉

鄭渥詩二首

塞上

出門何處問西東指畫翻為語論同到此客頭潛覺白
未秋山葉已飄紅帳前影落傳書鴈日下聲交失馬翁
早晚回鞭復南去大衣高蓋漢鄉風

洛陽道

客亭門外路東西多少喧騰事不齊
楊柳惹鞭公子醉
亭麻掩淚魯人迷
通宵塵土飛
山月是雲經營夾御堤
頃刻知音幾存歿
半回依約認輪蹄

御定全唐詩卷七百七十四

欽定四庫全書

御定全唐詩卷七百七十五

崔江

詩一首 以下世
次爵里俱無考

宜春郡城聞猿

怨抱霜枝向月啼
數聲清繞郡城低
那堪日夜有雲雨
便似巫山與建溪

李伉

詩一首

謫宜陽到荆渚

漢江江水水連天被謫宜陽路幾千為問一作恨野人山

鳥語問予歸權是何年

劉望

詩一首

九嶷山

山在萍鄉上有九嶷仙觀

鼎湖冠劍有遺蹤晉漢真人羽化同九轉藥成丹竈冷
五車雲去玉堂空仙家日月蓬壺裏塵世煙花夢寐中
徒有舊山流水畔老松枝葉苦吟風

易思

一作思
詩四首

郡城放猿獻衛使君

千巖萬壑與雲連，放出雕籠任自然。
葉洒驚風啼暮雨，月凝殘雪飲流泉。
臨岐莫似三聲日，避射須依繞樹年。
應解感恩尋太守，攀蘿時復到樓前。

題袁州龍興寺

百尺古松松下寺，寶幡朱蓋畫珊珊。
閒庭甘露幾回落，青石綠苔猶未乾。

山中送弟方質

山中殷勤弟別兄
兄還送弟下山
行蘆花飛處秋風起
日暮不堪聞鴈聲

尋易尊師不遇

爛漫紅霞光照衣
苔封白石路微微
華陽洞裏人何在
落盡松花不見歸

趙防

詩一首

秋日寄弟

涼風颯庭戶
漸疑華髮侵
已經楊柳謝
猶聽蟋蟀吟
雨

助灘聲出雲連野色深
鵲鴿今在遠年酒共誰斟

劉廓

詩一首

楊岐山

千峰圍古寺深處敞樓臺
景異尋常處人須特達來
松杉寒更茂嵐靄晝還開
欲續豐碑語含毫恨不才

姚伿

詩一首

南源山

修徑投幽隱輕裘怯暮寒
閑僧能解榻倦客得休鞍
白

雨鳴山麓青燈語夜闌明朝梯石路更仗筇輿安

戴衢詩一首

下第夜吟

擾擾東西南北情何人於此悟浮生還緣無月春風夜
暫得獨聞流水聲

句

坐落千門日吟殘午夜燈

李建樞詩一首

詠月

昨夜圓非今夜圓却疑圓處減嬋娟
一年十二度圓缺
能得幾多時少年

謝邈

詩二首

謝人惠琴材

風撼桐絲帶月明羽人乘醉截秋聲
七絃妙制饒仙品
三尺良材稱道情池小未開春浪泛
岳低猶欠暮雲生
何因乞與元中術臨化無妨膝上橫

謝僧寄拄杖

峭壁猿啼採處深一枝奇異出孤岑感師千里寄來意
發我片雲歸去心窗外冷敲簷凍折溪邊閑點戲魚沉
他年必藉相攜力蹇步猶能返故林

唐備

詩三首

失題二首

天若無雪霜青松不如草地若無山川何人重平道
一日天無風四溟波盡息人心風不吹波浪高百尺

道傍木

狂風拔倒樹樹倒根已露上有數枝藤青青猶未悟

方棫

詩一首

失題

一作陳叔寶詩

午醉醒來晚無人夢自驚夕陽如有意長傍小窗明

范夜

詩一首

失題

舉意三江竭興心四海枯南游李邕死北望宋珪殂

盧羣玉

詩二首

失題

酒瀉銀瓶到底清
夜深絲竹鳳凰鳴
紅妝醉起一花落
更引春風無限情

投盧尚書

無力不任為走役
有文安敢滯清平
從來若把耕桑定
免恃雕蟲悞此生

楊行敏

詩二首

失題二首

駑駘嘶叫知無定
騏驥低垂自有心
山上高松溪畔竹
清風纔動是知音

杜鵑花裏杜鵑啼
淺紫深紅更傍溪
遲日霽光搜客思
曉來山路恨如迷

張懷

詩一首

吳江別王長史

多年襆被玉山岑
鬢雪欺人忽滿簪
駑馬雖然貪短豆

野麋終是憶長林
鱸魚未得乘歸興
鷗鳥惟應信此心
見說新橋好風景
會須乘月濯煩襟

趙湘

詩一首

題天台石橋

白石峰猶在橫橋
一徑微多年無客
過落日有雲歸水
淨苔生髮山寒樹
著衣如何方廣寺
千古去人稀

楊持

詩一首

寄朗陵兄

刺舉官猶屈風謠政已成行看換龜組奏最謁承明

李聰

詩一首

詠淝溪在歷陽西一里

第二句缺一字

泠泠一帶清溪水遠派通歷陽市涓涓出自碧湖中
流入楚江煙霧裏

徐介

詩一首

耒陽杜工部祠堂

手接汨羅水天心知所存故教工部死來伴大夫魂流

落同千古風騷共一源消凝傷往事斜日隱頽垣

李士元

或云嘗為僧
返初詩二首

登單于臺

悔上層樓望翻成極目愁路沿蔥嶺去河背玉關流馬
散眠沙磧兵閑倚戍樓殘陽三會角吹白旅人頭

登閣

亂後獨來登大閣凭闌舉目盡傷心長堤過雨人行少
廢苑經秋草自深破落侯家通永巷蕭條宮樹接疎林

總輸釋氏青蓮館依舊重重布地金

御定全唐詩卷七百七十五

欽定四庫全書

御定全唐詩卷七百七十六

馮道之

一作用之 詩一首
以下無世次爵里可考

山中作

草堂在巖下卜居聊自適
桂氣滿堦庭松陰生枕席
遠瞻惟鳥度旁信無人跡
靄靄雲生峰潺潺水流石
頗尋黃卷理庶就丹砂益
此即契吾生何為苦塵役

徐謙

詩二首

短歌二首

窮通皆是運榮辱豈關身不願

一作顧

門前客看時逢故

人

意氣青雲裏爽朗煙霞外不羨一囊錢唯重心襟會

楊達

詩二首

塞下曲

秋日并州路黃榆落故關孤城吹角罷數騎射鵬還帳
幕遙臨水牛羊自下山行人正垂淚烽火起雲間

明妃怨

漢國明妃去不還
馬駝絃管向陰山
匣中縱有菱花鏡
羞對單于照舊顏

楊逵

詩一首

送鄒尊師歸洞庭

一作楊逵詩

衆島在波心
曾居一作

為

舊隱林
近聞飛檄急
轉憶卧雲

深賣藥
唯供酒
歸舟只載琴
遙知明月夜
坐石自開襟

魏兼恕

詩一首

送張兵曹赴營田

河曲今無戰王師每務農
選才當重委足食乃深功
草色孤城外雲陰絕漠

一作漢

中蕭闕休歎別歸望在垂騄

賈彥璋

詩四首

晚霽登汝南大雲閣

禪宮新歇雨香閣晚登臨
邑樹晴光起川苗佳氣深
水包城下岸雲細郢中岑
自歎牽卑日聊開望遠心

宿香山閣

瞑望香山閣梯雲宿半空
軒窗閉潮海枕席拂煙虹
朱網防棲鴿紗燈護夕蟲
一聞雞唱曉已見日瞳瞳

蘇著作山池

水樹子雲家峯瀛宛不賒
芥浮舟是葉蓮發岫為花
酌蟻開春瓮觀魚憑海查
游蘇多石友題贈滿瑤華

王龍驤墓

昔擅登壇寵爰光
典午朝刀懸臨益
夢龍啟渡江謠茂
績當年舉英魂此
地銷唯餘孤壠上
日夕起松飈

歐陽瑾

詩一首

折楊柳

垂柳拂妝臺
歲蕤葉半開
年華枝上見
邊思曲中來
嫩色宜新雨
輕花伴落梅
朝朝倦攀折
征戍幾時回

李叔卿

詩二首

江南曲

湖上女
江南花無雙
越女春浣紗
風似箭
月如弦
少年吳兒曉
進船邨
家子弟謝
家郎
烏巾白袷
紫香囊
菱歌

思欲絕楚舞斷人腸歌舞未終涕雙隕舊宮坡陀纔作一
絕嶙隱西山暮雨過江來北渚春雲沿海盡渡口水流
緩妾歸宵剩遲含情為君再理曲月華照出澄江時

芳樹

春看玫瑰樹西鄰即宋家門深重暗葉牆近度飛花影
拂桃陰淺香傳李逕斜靚妝愁日暮流涕向窗紗

熊曜

詩一首

送楊諫議赴河西節度判官兼呈韓王二侍御

賢哉征西將幕府多俊人籌議秉刀尺話言在經綸先
鞭羗之子走馬辭咸秦庭論許名實數公當即真行行
弄文翰婉婉光使臣今者所從誰不聞歌苦辛黃雲蕭
關道白日驚沙塵虜寇有時獵漢兵行一作復一作巡
王師已無戰傳檄奉良臣

李賓詩二首

登巴陵開元寺西閣贈衡嶽僧方外

衡嶽有開士五峰秀貞骨見君萬里心海水照秋月大

臣南溟去問道皆請謁灑以一作明非甘露言清涼潤肌髮

湖海落天鏡香閣凌銀闕登眺餐惠風心花期啟發

登瓦官寺閣

晨登瓦官閣極眺金陵城鍾山對北戶淮水入南榮漫
漫雨花落嘈嘈天樂鳴兩廊振法鼓四角吹風箏杳無

一作出霄漢上仰攀日月行山空霸氣滅地古寒陰生寥

廓雲海晚蒼茫宮觀平門餘閭闔字樓識鳳凰名雷作

百川一作山動神扶萬拱傾靈光一向貴長此鎮吳京

唐堯臣詩一

首

金陵懷古

晉末英雄起神器淪荒服胡月蝕中原白日升
陽谷金陵實形勝關山固重複巨壑隍北埽長江
塹西隩鑿山擬嵩華穿地象伊穀草昧席羅圖華
路戴黃屋一時因地險五世享天祿禮樂何煌煌
文章紛郁郁多士春林秀作頌清風穆出入三百
年朝事幾翻覆攬槍如雲勃鯨鯢旋自曝倦聞金
鼎移驟覩靈龜卜吁嗟王氣盡坐

悲天運條天道何茫茫善淫乃相復行路偏衣半遂亡
大梁族日隱汀洲上登艫艫川陸月迴吳山樹風聞楚
江鵠因依蘭蕙藪採蘋不盈掬

鄭縉詩二首

詠浮漚為辛明府作

行潦散輕漚清規吐一作晚未收雨來波際合風起浪中

浮晶晃明苔砌參差繞芥舟影疑星泛曉光似露涵一作

含秋皎皎珠同淨漂漂梗共流潔容無變染圓知有謙

柔欲作微涓效先從淡水游

鶯

一作孫處玄詩

欲轉聲猶澀將飛羽未調高風不借便何處得遷喬

吳英秀

詩一首

鸚鵡

莫把金籠閉鸚鵡箇箇聰明解人語忽然更向君前言

三十六宮愁幾許

陳凝

詩一首

馬

未明龍骨駿幸得到神州自有千金價寧忘伯樂酬雖
知殊款段莫敢比驂騑若遇追風便當軒一舉頭

伊夢昌

詩一首

鳳

好是山家鳳歌成非楚雞毫光灑風雨紋綵動雲霓竹
實不得飽桐孫何足栖岐陽今好去律呂正淒淒

鄭嚴

詩一首

送韋員外赴朔方

白露邊秋早，皇華戎事催。
已推仙省妙，更是幕中才。
出餞傾朝列，深功佇帝臺。
坐聞長策利，終見勒銘迴。

柳曾

詩一首

險竿行

山險驚摧輶，水險能覆舟。
奈何平地不肯立，走上百尺
高竿頭。我不知爾是人耶，
復猱耶？使我為爾長嘆嗟。
我聞孝子不許國，忠臣不愛家。
爾今輕命重黃金，忠孝兩

虧徒爾誇始以險技悅君目終以貪心媚君祿百尺高
竿百度緣一足參差一家哭險竿兒聽我語更有險徒
險於汝重於權者失君恩落向天涯海邊去險竿兒爾
須知險途欲往爾可思上得不下下不得我謂此輩險
於險竿兒

牛殳

詩二首

琵琶行

何人斲得一片木三尺春冰五音足一彈決破真珠囊

迸落金盤聲斷續飄飄颼颼寒丁丁蟲豸出蟄神鬼驚
秋鴻叫侶代雲黑猩猩夜啼蠻月明滴漏汨汨聲不定
羌人學漢語未正若似長安月蝕時滿城敲鼓聲磷磷
青山飛起不壓物野水流來欲濕人傷心憶得陳後主
春殿半酣細腰舞黃鶯百舌正相呼玉樹後庭花帶雨
二妃哭處山重重二妃沒後雲溶溶夜深霜露鎖空廟
零落一叢斑竹風金谷園中草初綠石崇一弄思歸曲
當時二十四友人手把金杯聽不足又似賈客蜀道間

千鐸萬磬鳴空山未若此調
呦呦兮啁啁嘈嘈兮啾啾
引之於山獸不能走吹之於水魚不能游方知此藝不
可有人間萬事憑雙手若何為我再三彈送却花前一
尊酒

方響歌

樂中何樂偏堪賞無過夜深聽方響
緩擊急擊曲未終暴雨飄飄生坐上
鏗鏗鐺鐺寒重重盤渦感派鳴蛟龍
高樓漏滴金壺水碎電打著山寺鐘
又似公卿入朝去

環珮鳴玉長街路忽然碎打入破聲石崇推倒珊瑚樹
長短參差十六片敲擊宮商無不遍此樂不教外人聞
尋常只向堂前宴

衛光一首

經太華

太華五千尋重岳合

一作才

沓起勢飛白雲外影倒黃河

裏上有千蓮葉服之久不死山高採難得歎息徒仰止

林璫一首

季夏入北山

整駕俟明發，逶迤歷險途。
天形逼峰盡，地勢入谿無。
樹繞圓潭密，雲橫疊障孤。
誰憐後時者，六月未南圖。

顏胄

詩一首

適思

芳歲不我與，颯然涼風生。
繁華掃地歇，蟋蟀充堂鳴。
感物增憂思，奮衣出遊行。
行值古墓林，白骨下縱橫。
田豎鞭髑髏，村童掃一作精靈。
精靈精靈無奈何，像設安所榮。
一作

營石人徒瞑目表柱燒無聲試讀碑上文乃是昔時英
位極君詔葬勲高盈忠貞寵終禁樵採立嗣修墳塋運
否前政缺羣盜多蚊蚋即此丘壠壞鐵心為霑纓當其
崇樹日豈意侵奪并冥漠生變故淒涼結幽明悲端豈
自我外物紛相縈所適非所見前登江上城倚樓臨綠
浸一作水一望解傷情

御定全唐詩卷七百七十六

欽定四庫全書

御定全唐詩卷七百七十七

邢象玉

詩一首

古意

家中酒新熟園裏葉初榮
佇杯欲取醉悵然思友生
忽聞有奇客何姓復何名
嗜酒陶彭澤能琴阮步兵
何須問寒暑徑共坐山亭
舉袂祛啼鳥揚巾掃落英
心神無俗累歌詠有新聲
新聲是何曲滄浪之水清

張敬微詩一
首

採蓮曲

遊女泛江晴蓮紅水復清
競多愁日暮爭疾畏船傾
波動疑釵落風生覺袖輕
相看未盡意歸浦櫂歌聲

徐玄之詩一
首

采蓮

越艷荆姝慣采蓮
蘭橈畫櫂滿長川
秋來江上澄如練
映水紅妝如可見
此時蓮浦珠翠光
此日荷風羅綺香

纖手周遊不暫息紅英爛漫殊未極夕鳥棲林人欲稀
長歌哀怨采蓮歸

郭汭

詩一首

同崔員外溫泉宮即事

輦輅移雙闕宸遊整六師天迴紫微座日轉羽林旗雷
氣寒戈戟軍容壯武貌弓鳴射雁處泉暖躍龍時惠化
成觀俗謳謠入賦詩同歡王道盛相與詠雍熙

權徹

詩一首

題沈黎城

蘇子卧北海馬翁渡南洲迹恨事乃立功達名遂休夜
聞羽書至召募此邊州鐵騎耀楚甲玉匣橫吳鉤雪厚
羣山凍蓬飛荒塞秋久戍曷辭苦數戰期封侯不學豎
儒輩談經空白頭

豆盧回

一作田
詩一首

登樂遊原懷古

緬維漢宣帝初謂皇曾孫雖在襁褓中亦遭巫蠱冤至

哉丙廷尉感激義彌敦馳逐蓮勺道出入諸陵門一朝
風雲會竟登天位尊握符升寶歷負宸御華軒赫奕文
物備歲粦休瑞繁卒為中興主垂名於後昆雄圖奄已
謝餘址空復存昔為樂遊苑今為狐兔園朝見牧豎集
夕聞棲鳥喧蕭條灞亭岸寂寞杜陵原冪野烟起蒼
茫嵐氣昏二曜屢迴薄四時更涼溫天道尚如此人理
安可論

張南容

詩一首

靜女歌

靜女樂於靜動合古人則妙年工詩書弱歲勤組織端
居愁若癡誰復理容色十五坐幽閨四鄰不相識天天
鄰家子百花裝首飾日月淇上遊笑人不踰閼河水自
濁濟自清仙臺蛾眉秦鏡明為照齊王門下醜何如漢
帝掌中輕

沈微

詩二首

古興二首

蔓草自細微女蘿始天天
黃緣至百尺榮耀非一朝
敷色高碧嶺流芳薄丹霄
如何摧秀木正為餘波漂
莖葉落巖跡英蕤從風颭
洪柯不足恃況乃託陵茗

長安富豪右信是天下樞
戚里笙歌發禁門冠蓋趨
攀雲無醜士唾地盡成珠
日晏下雙闕煙花亂九衢
恩榮在片言零落亦須臾
何意還自及曲池今已蕪

林琨詩一首

晚望

一作夕次
華陰北亭

清晨孤亭裏極目對前岑遠與天水合長霞生夕林蒼
然平楚意杳靄半秋陰落日川上盡闕城雲外深方予
事巖壑及此欲抽簪詩一作就蓬山道還茲契宿心

吳象之詩二首

陽春歌

簾低曉露濕簾捲鶯聲急欲起把一作抱一作瑩篴如凝綵一作
管弦澀孤眠愁不轉點淚聲相及淨掃階上花風來更
吹入

少年行

承恩借獵小平津使氣常遊中貴人一擲千金渾是膽
家無四壁不知貧

鄭德玄

詩一首

晚至鄉亭

長亭日已暮駐馬暫盤桓山川杳不極徒侶默相看雲
夕荆臺暗風秋郢路寒客心一如此誰復采芳蘭

張軫

詩一首

舟行旦發

夜帆時未發，同侶暗相催。
山曉月初下，江鳴潮欲來。
稍分楊子岸，不辨越王臺。
自客水鄉裏，舟行知幾迴。

蔡文恭詩一首

奉和夏日遊山應制

首夏林壑清，薄暮煙霞上。
連巖聳百仞，絕壑臨千丈。
照灼晚花鮮，潺湲夕流響。
悠然動睿思，息駕尋真賞。
挾彼渦川作，懷茲洛濱想。
竊吹等齊竽，何用承恩獎。

賈宗

一作琮
詩一首

旅泊江津言懷

征途幾迢遞客子倦西東
乘流如泛梗逐吹似驚蓬
飄飄萬里外辛苦百年中
異縣心期阻他鄉風月同
雲歸全嶺暗日落半江紅
自然堪迸淚非是泣途窮

唐堯客

詩一首

大梁行

客有成都來為我彈鳴琴
前彈別鶴操後奏大梁吟
大

梁傷客情荒臺對古城版築有陳迹歌吹無遺聲雄哉

魏公子疇日好羅英秀士三千人煌煌列衆一作象星金

槌奪晉鄙白刃刎侯嬴邯鄲救趙北函谷走秦兵君子

榮且昧忠信莫之明間諜忽來及雄圖靡克成千齡萬

化盡但見汴水清舊國多孤壘夷門荆棘生蒼梧綵雲

沒湘浦綠池平聞有東山去蕭蕭班馬鳴河洲塞宿莽

日夕淚霑纓因之唁公子慷慨此歌行

朱晦詩一

首

秋日送別

荒郊古陌時時斷
野水浮雲處處秋
唯有河邊衰柳樹
蟬聲相送到揚州

石召

詩二首

送人歸山

相逢唯道在誰不
共知貧歸路分殘
雨停舟別故人霜
明松嶺曉花暗竹
房春亦有棲閑意
何年可寄身

早行遇雪

荒郊昨夜雪羸馬又須行四顧無人迹雞鳴第一聲

林珣

詩一首

送安養閭主簿還竹寺

分手怨河梁南征歷漢陽江山追宋玉雲雨夢襄王
醉裏宜城近歌中郢路長更尋棲枳處猶是念仇香

衛葉

詩一首

晚投南村

客行逢日暮原野散秋暉南陌人初斷西林鳥盡歸暗

蓬沙上轉寒葉月中飛村落無多在聲聲近擣衣

御定全唐詩卷七百七十七

欽定四庫全書

御定全唐詩卷七百七十八

李季華

詩一首 以下無
世次爵里可考

題季子廟

季子讓社稷又能聽國風寧知千載後蘋藻冷祠宮

王玄

詩一首

聽琴

拂塵開按匣何事獨顰眉古調俗不樂正聲君自知

李歸唐

詩一首

失鷺鷥

惜養來來歲月深
籠開不見意沈吟
也知祇在秋江上
明月蘆花何處尋

朱光弼

詩二首

銅雀妓

魏王銅雀妓
日暮管弦清
一見西陵樹
心悲舞不成

宮詞

夢裏君王近宮中河漢高秋風能再熱團扇不辭勞

顧甄遠

詩九首

惆悵詩九首

魂黯黯兮情脈脈簾風清兮窗月白夢驚枕上爐燼銷
不見藥珠宮裏客

禁漏聲稀蟾魄冷紗厨筠簟波光淨獨坐愁吟暗斷魂
滿窗風動芭蕉影

別恨離腸空惻惻風動虛軒池水白莫言靈圃步難尋

有心終效偷桃客

愁遇人間好風景
焦桐韻滿華堂靜
鑑鸞釵燕恨何窮
忍向銀牀空抱影

綠槐影裏傍青樓
陌上行人空舉頭
煙水露花無處問
搖鞭凝睇不勝愁

役盡心神銷盡骨
恩情未斷忽分離
平生此恨無言處
只有衣襟淚得知

濃醪豔唱愁難破
骨瘦魂銷病已成
若為多羅年少死

始甘人道有風情

淚滿羅衣酒滿卮一聲歌斷怨傷離如今兩地心中事
直是瞿曇也不知

橫泥杯觴醉復醒愁牽時有小詩成早知惹得千般恨
悔不天生解薄情

魏巒

詩一首

登清居臺

迤邐清居臺連延白雲外側聆天上語下視飛鳥背

柳明獻

詩一首

游昌化精舍

寶臺侵漢遠金地接霞高何必遊天外忻此契盧敖

蔡崑

詩一首

善卷先生壇

幾到壇邊登閣望因思遺跡詠今朝當時為有重華出
不是先生傲帝堯

句

飄飄隨暮雨
颯颯落秋山

落葉王
正字詩格

令狐挺

詩一首

題鄜州相思鋪

一作令狐楚詩

誰把相思號此河
塞垣車馬往來多
只應自古征人淚
灑向空川作逝波

滕潛

詩二首

鳳歸雲二首

金井欄邊見羽儀
梧桐枝上宿寒枝
五陵公子憐文彩

畫與佳人刺繡衣

飲啄蓬山最上頭和煙飛下禁城秋曾將弄玉歸雲去

金翻斜開十二樓

夏侯子雲

詩一首

藥圃

綠葉紅英遍僊經自討論偶移巖畔菊鋤斷白雲根

方愚

詩一首

讀孝經

星彩滿天朝北極源流是處赴東溟為臣為子不忠孝
辜負宣尼一卷經

潘雍

詩一首

贈葛氏小娘子

曾聞仙子住天台欲結靈姻媿短才若許隨君洞中住
不同劉阮卻歸來

梁陟

詩一首

送孫舍人歸湘州

盛才傾世重清論滿朝歸作隼他年計一作繫為駕此日

飛比肩移一作超日近抗首出郊畿為報清漳水分明照

錦衣

朱延詩一首

再登河陽城懷古

客遊倦旅思憇駕陟崇墉元凱標奇跡安仁擅美蹤遠

近一作遠濁河流一作溜出沒一作浸青山峰佇想空不極懷

古悵無從

寇埴

詩一首

題瑩上人院

捨筏求香偈因泉演妙音是明捐俗網何獨一作必在山

林繚繞藤軒密逶迤竹徑深為傳同學志茲宇可清心

馮渚

詩一首

燕啣泥

一作馮著詩

雙燕碌碌飛入屋屋中老人喜燕歸裊回繞我牀頭飛
去年為爾逐黃雀雨多屋漏泥土落爾莫厭老翁茅屋

低梁頭作窠梁下棲爾不見東家黃鶯鳴嘖嘖蛇盤瓦
溝鼠穿壁豪家大屋爾莫居驕兒少婦採爾雛井旁寫
水泥自足啣泥上屋隨爾欲

御定全唐詩卷七百七十八

欽定四庫全書

御定全唐詩卷七百七十九

王約

詩一首以下並省試
詩爵里世次俱無考

日暖萬年枝

靄靄彤庭裏沈沈玉砌陲
初升九華日潛暖萬年枝
煦嫗光偏好青葱色轉宜
每因韶景麗長沐惠風吹
隱映當龍闕氛氲隔鳳池
朝陽光照處唯有近臣知

郭求

詩一首

日暖萬年枝

旭日升溟海芳枝散曙煙
溫仁臨樹久煦嫗在條偏
陽德符君惠嘉名表聖年
若承恩渥厚常屬棟梁賢
生植雖依地光華只信天
不才堪仄陋徒望向榮先

鄭師貞

詩一首

日暖萬年枝

禁樹敷榮早偏將麗日宜
光搖連北闕影泛滿南枝
得地方知照逢時異赫曦
葉和盈數積根是永年移
宵露

猶殘潤薰風更共吹餘暉誠可託况近鳳凰池

石殷士

詩二首

日華川上動

曙霞攢旭日浮景弄晴川晃曜層潭上悠揚極浦前
高時擁媚波遠漸澄鮮萍實空隨浪珠胎不照淵早暄
依曲渚微動觸一作澄輕漣孰假咸池望幽情得古篇

聞擊壤

堯年聽野老擊壤復何云自謂歡由已寧知德在君氣

平閑易暢聲賀作難分耕鑿方隨日恩威比望雲黃桴
均下調和木等南薰無落於吾事誰將帝力聞

柴宿

詩二首

初日照華清宮

靈山初

一作照

澤

一作日

遠近見離宮影動參差裏光分

縹緲中鮮飈收晚翠佳氣滿晴空林潤溫泉入樓深複

道通璇題生烟晃珠綴引臆朧鳳輦何時幸朝朝此望

同

瑜不掩瑕

朗玉微瑕在分明異璞瑜堅貞寧可雜美惡自能殊待
價知彌久稱忠定不誣光輝今見黜毫髮外呈符豈假

良

一作相

工指堪

一作甘

為達士模他山儻磨琢慕愛是洪

鑪

陶拱

一作洪詩一首

秋日懸清光

秋至雲容歛天中日景清懸空寒色淨委照曙光盈泣

泣看彌上輝輝望最明烟霞輪乍透葵藿影初生鑒下
應無極升高自有程何當迴盛彩一為表精誠

劉琬

詩一首

三讓月成魄

不得泛說
鄉飲之事

為禮依天象周旋逐月成教人三讓美為客一宵生初
進輪猶暗終辭影漸明幸陪賓主一作客位取捨任虧盈

朱華

詩一首

海上生明月

皎皎秋中月團圓

一作團

海上生影開金鏡滿輪抱玉壺

清漸出三山岳將凌一漢橫素娥嘗藥去烏鵲遶枝驚
照水光偏白浮雲色最明此時堯砌下蓂莢自將榮

戴察

詩一首

月夜梧桐葉上見寒露

蕭疎桐葉上月白露初團滴瀝清光滿熒煌素彩寒風
搖愁玉墜枝動惜珠乾氣冷疑秋晚聲微覺夜闌凝空
流欲遍潤物淨宜看莫厭窺臨倦將晞聚更難

孫顧

詩一首

清露被皋蘭

九皋蘭葉茂八月露華清
稍與秋陰合還將曉色并
向空羅細影臨水泣微明的
皦添幽興芊綿動遠情夕芳
人未採初降鶴先驚為感生成
惠心同葵藿傾

孫顧

詩二首

宿煙含白露

析析有新意微微曙色幽
露含疎月淨光與曉煙浮
迥

野遙凝素空林望已秋著霜寒未結凝葉滴還流比玉
偏清潔如珠詎可收裊回阡陌上瞻想但淹留

送薛大夫和蕃

亞相獨推賢乘輶向遠邊一心傾漢日萬里望胡天忠
信皇恩重要荒聖德傳戎人方屈膝塞月復嬋娟別思
流鶯晚歸朝候雁先當書外垣傳迴奏赤墀前

陳瓘

詩一首

風光草際浮

春風泛搖草旭日遍神州已向花間積還來葉上浮曉
光緣圃麗芳氣滿街流澹蕩依朱萼颺颺帶玉溝向空
看轉媚臨水見彌幽況被崇蘭色王孫正可遊

褒杞

詩一首

風光草際浮

澹蕩和風至芊綿碧草長徐吹遙

一作搖

撲翠半偃乍浮

光葉似翻宵露藂疑扇夕陽逶迤明曲渚照耀滿廻塘
白芷生還暮崇蘭泛更香誰知攬結處含思向餘芳

陳祐詩一
首

風光草際浮

香發王孫草春生君子風光搖低偃處影散豔陽中稍
稍移蘋末微微轉蕙叢浮煙傾綠野遠色澹晴空泛彩
池塘媚含芳景氣融清暉誰不挹幾許賞心同

吳秘詩一
首

風光草際浮

草色春沙裏風光曉正幽輕明搖不散郁昱麗仍浮吹

緩苗難轉暉閒葉本柔碧凝煙彩入紅是日華流耐可
披襟對誰應滿掬收恭聞掇芳客為此尚淹留

張復元

詩一首

風光草際浮

纖纖春草長遲日度風光
霍靡含新彩霏微籠遠芳
殊姿媚原野佳色滿池塘
最好垂清露偏宜帶豔陽
淺深浮嫩綠輕麗拂餘香
好助鶯遷勢乘時翼便翔

穆寂

詩二首

冬至日祥風應候

節逢清景至占氣二儀中獨喜登臺日先知應候風呈
祥光舜化表慶感堯聰既一作况與乘時叶還將入律同
微微萬井遍習習九門通更繞鑪煙起殷勤報歲功

清風戒寒

風清物候殘蕭灑報將寒掃得天衢靜吹來眼界寬條
鳴方有異蟲思亂無端就樹收鮮膩衝池起澀瀾過山
嵐可掬度月色宜看華實從茲始何嗟歲序殫

王景中

詩一首

風草不留霜

繁霜當永夜寒草正驚風飄素衰蘋末流光晚蕙叢悠
揚方泛影皎潔却飛空不定離披際難凝蘼薈中低昂
閒散質肅殺想成功獨感玄暉詠依依此夕同

鄧倚

詩一首

春雲

搖曳自西東依林又逐風勢移青道裏影泛綠波中夕

霽方明日朝陽復蔽空
度關隨去馬出塞引歸鴻
色任寒暄變光將遠近同
為霖如見用還得助成功

湯洙

詩一首

登雲梯

謝客常游處層巒枕碧溪
經過殊俗境登陟象雲梯
步勞山屐行行躡澗霓
迴臨天路廣俯眺夕陽低
賞詠情彌愜風塵事已睽
前修如可慕投足固思齊

殷琮

詩一首

登雲梯

碧落遠澄澄
青山路可昇
身輕疑易蹋
步獨覺難憑
迺迤排將近
迴翔勢漸登
上寧愁屈曲
高更喜超騰
江樹遙分藹
山嵐宛若凝
赤城容許到
敢憚百千層

朱延齡

詩一首

秋山極天淨

雨洗高秋淨
天臨大野閑
葱蘢清萬象
繚繞出層山
日落千峯上
雲銷萬壑間
綠蘿霜後翠
紅葉雨來殷
散彩

輝吳甸分形壓楚關欲尋霄漢路延首願登攀



御定全唐詩卷七百七十九

欽定四庫全書

集部

御定全唐詩卷七百

八十至
八十八

詳校官庶吉士臣何道沖

主事銜臣徐以坤覆勘

總校官知縣

臣

繆

琪

校對官中書

臣

陸

湘

謄錄監生

臣

程

鵬

飛

欽定四庫全書

御定全唐詩卷七百八十

鄭蕢

詩二首

春臺晴望

追賞層臺迴登臨四望頻熙熙山雨霽處處柳條新草
長秦城夕花明漢苑春晴林翻去一作度鳥紫陌閱行人
旅客風塵厭山家夢寐親遷鶯思出谷騫翥待芳辰

天驥呈材

毛骨合天經拳竒步驟輕曾邀于闐駕新出貳師營噴
勒金鈴響追風汗血生酒亭留去跡虞坂認嘶聲力可
通衢試材堪聖代呈王良如顧盼垂耳欲長鳴

裴元

詩一首一作
裴次元詩

律中應鐘

律窮方數寸室暗在三重伶管灰先動秦正節已逢商
聲辭玉笛羽調入金鐘密葉翻霜彩輕冰斂水容望鴻
南去絕迎氣北來濃願託無凋性寒林自比松

杜周士

詩一首

閏月定四時

得閏因貞歲吾君敬授時體元承夏道推厯法堯咨直
取歸餘改非如再失欺葭灰初變律斗柄正當離寒暑
功前定春秋氣可推更憐幽谷羽鳴躍尚須期

樂伸

詩一首

閏月定四時

聖代承堯厯恒將閏正時六旬餘可借四序應如期分

至寧愆素盈虛信不欺斗杓重指甲灰琯再推離義氏
兼和氏行之又則之願言符大化永永作元龜

徐至

詩一首

閏月定四時

積數歸成閏義和職舊司分銖標斗建盈縮正人時節
候潛相應星辰自合期寸陰寧越度長厯信無欺定向
銅壺辨還從玉律推高明終不謬委鑑本無私

紇干諷

詩一首

新陽改故陰

律管才推候寒郊忽變陰微和方應節積慘已辭林暗
覺餘澌斷潛驚麗景侵禁城佳氣換北陸翠煙深有截
知遐布無私荷照臨韶光如可及鶯谷免幽沈

朱休

詩一首

春水綠波

芳時淑氣和春水澹煙波滉漾滋蘭杜淪連長芰荷晚
光扶翠潏潭影寫青莎歸雁追飛盡纖鱗遊泳多朝宗

終到海潤下每盈科願假中流便從茲發擢歌

李沛

詩二首

海水不揚波

明朝崇大道寰海免波揚既合千年聖能安百谷王天
心隨澤廣水德共靈長不撓魚彌樂無瀾葦可航化流
霑率土恩浸及殊方豈只朝宗國惟聞有越裳

四水合流

禹鑿山川地因通四水流縈迴過鳳闕會合出皇州天

影長波裏寒聲古渡頭入河無晝夜歸海有謙柔順物
宜投石逢時可載舟羨魚猶未已臨水欲垂鉤

成斲

詩一首

登聖善寺閣望龍門

高閣聊登望遙分禹鑿門剎連多寶塔樹滿給孤園香
境超三界清流振陸渾報慈弘孝理行道得真源空淨
祥煙霽時光受日溫願從初地起長奉下生尊

夏侯楚

詩一首

秋霽望廬山瀑布

常思瀑布幽晴眺喜逢秋一帶連青嶂千尋倒碧流濕
雲應悞鶴翻浪定驚鷗星浦虹初下爐峰煙未收巖高
時裏裏天淨起一作越悠悠儻見朝宗日還須濟巨舟

胡權

詩一首

濟川用舟楫

渺渺水連天歸程想幾千孤舟辭曲岸輕楫濟長川迴
指波濤雪迴瞻島嶼煙心迷滄海上目斷白雲邊泛濫

雖無定維持且自專還如聖明代理國用英賢

郭邕

詩一首

洛出書

德合天貺呈龍飛聖人作光宅被寰區圖書薦河洛象
登四氣順文闢九疇錯氤氲瑞彩浮左右靈儀廓微造
功不宰神行利攸博一見皇家慶方知禹功薄

張欽敬

詩一首

洛出書

浮空九洛水瑞聖千年質竒象八卦分圖書九疇出舍
微卜筮遠抱數陰陽密中得天地心傍探鬼神吉昔聞
夏禹代今獻唐堯日謬此叙彞倫寰宇賀清謐

叔孫玄觀

詩一首

洛出書

清洛含溫溜玄龜薦寶書波開綠字出瑞應紫宸居物
著羣靈首文成列卦初美珍翔閣鳳慶邁躍舟魚俾如
惟何遠休皇復在諸東都主人意歌頌望乘輿

王季友

詩一首與開寶間王季友同名另一人也

玉壺冰

玉壺知素結止水復中澄
堅白能虛受清寒得自凝
分

形同曉鏡照物掩宵燈
壁映圓光入

一作出

人驚爽氣凌

金壘何足貴
瑶席幾回升
正值求珪瓚
提携共飲冰

南巨川

詩一首

美玉

抱玉將何適
良工正在斯
有瑕寧自掩
匪石幸君知
雕

琢嗟成器縑磷志不移
飾罇光宴賞入珮奉威儀
象德

曾留記

一作譽

如虹竊可竒終希逢善價還得桂林枝

丁居晦

詩一首

琢玉

卞玉何時獻初疑尚在荆
琢來聞制器價銜勝連城
虹氣衝天白雲浮入信貞
珮為廉節德杯作侈奢名
露璞方期辨雕文幸既成
他山豈無石寧及此時呈

辛宏

詩一首

白珪無玷

片玉表堅貞逢時寶自呈色鮮同雪白光潤奪冰清皎
皎無瑕玷鏘鏘有珮聲崑山標重價垂棘振香名抱璞
心常苦全真道未行琢磨忻大匠還冀動連城

康翊仁

詩一首

鮫人潛織

珠館馮夷室靈鮫信所潛幽閒雲母牖滉漾水精簾機

動龍梭躍絲縈藕綵添七襄牛女恨三日大人嫌

古樂府焦

仲卿妻詩三日斷
五匹大人故嫌遲

透手擊吳練凝冰笑越縑無因聽札

札空想濯纖纖

陳中師

詩一首

瑕瑜不相掩

出石溫然玉瑕瑜素在中妍蚩因異彩音韻一作響信殊

風讓美心方竝求疵意本同光華開縝密清潤仰磨礪

秀質非攘善貞姿肯廢忠今來儻成器分別在良工

管雄甫

詩一首

憂玉有餘聲

憂玉音難盡
凝人思轉清
依稀流戶牖
髣髴在簷楹
更逐松風起
還將澗水并
樂中和舊曲
天際轉餘聲
縹作縹緲浮煙遠
溫柔入耳輕
想如君子佩
時得上堂鳴

鄧陟

詩一首

珠還合浦

至寶含冲粹
清虛映浦灣
素輝明蕩漾
圓彩色玢璊
昔逐諸侯去
今隨太守還
影搖波裏月
光動水中山
魚目

徒相比驪龍乍可攀願將車飾用長得耀君顏

呂價

詩一首

濁水求珠

至寶誠難得潛光在濁流深沈當處晦皎潔庶來求綴履將還用褰裳必更收蚌胎應自別魚目豈能儔日彩逢高鑒星光詎暗投不因今日取泥滓出無由

苑誦

詩一首一作范誦

暗投明珠

至寶欣懷日良茲豈可儔神光非易鑒夜色信難投錯
落珍窠宇圓明隔淺流精靈辭合浦素彩耀神州抱影
希人識承時望帝求誰言按劍者猜忌却生讐

羅泰

詩一首

暗投明珠

媚川時未識在掌共傳名報德能欺暗投人自欲明月
臨幽室朗星沒曉河傾的皪驪龍頷熒煌彩鳳呈守恩
辭合浦擅美掩連城魚目應難近誰知按劍情

崔藩

詩一首

暗投明珠

至寶看懷袖明珠出後收
向人光不定離掌勢難留
皎澈虛臨夜孤圓冷瑩秋
乍來驚月落疾轉怕星流
有淚甘瑕棄無媒自暗投
今朝感恩處將欲報隋侯

李勲

詩一首

泗濱得石磬

浮磬潛清深依依呈碧潄
出水見貞質在懸舍玉音對

此喜還歎幾秋還到今
器古契良覲韻和諧
宿心何為
值明鑒
適得離幽沈
自茲入清廟
無復泥沙侵

御定全唐詩卷七百八十

欽定四庫全書

御定全唐詩卷七百八十一

趙鐸

一作驛
詩一首

玄元皇帝應見賀聖祚無疆

聖主今司契神功格上玄豈唯求傳野更有叶鈞天審

夢西

一作南

山下焚香北闕前道光尊聖日福應集靈年

咫尺真容近巍哉大象懸觴從百寮獻形為萬方傳聲

教唯皇矣英威固邈然慚無美周頌徒上祝堯篇

徐元鼎詩一
首

太常寺觀舞聖壽樂

舞字傳新慶人文邁舊章
冲融和氣洽悠遠聖功長
盛德流無外明時樂未央
日華增顧眄風物助低昂
蕭鳳方齊首高鴻忽斷行
雲門與茲曲同是奉陶唐

嚴巨川詩二
首

太清宮聞滴漏

玉漏移中禁齊車入太清
漸知催辨色復聽續餘聲
乍

逐微風轉時因雜珮輕青樓人罷夢紫陌騎將行殘魄
棲初盡餘寒滴更生慚非朝謁客空有振衣情

仲秋太常寺觀公卿輅車拜陵

南呂初開律金風已戒涼拜陵將展敬車輅儼成行士
庶觀祠禮公卿習舊章郊原佳氣引園寢瑞煙長鹵簿
辭丹闕威儀列太常聖心何所寄惟德在無忘

呂昞

詩一首

貢舉人謁先師聞雅樂

禮聖來羣彥觀光在此時聞歌音乍遠合樂和還遲調
朗能諧竹聲微又契絲輕泠流篴簾繚繞動纓綏九變
將隨節三終必盡儀國風由是正王化自雍熙

劉公興

詩一首

望凌煙閣

畫閣凌虛構遙瞻在九天丹楹崇壯麗素壁繪勲賢靄
靄浮元氣亭亭出瑞煙近看分百辟遠揖誤羣仙圖列
青雲外儀刑紫禁前望中空霽景驤首幾留連

王卓

詩一首

觀北番謁廟

肅肅層城裏巍巍祖廟清
聖恩覃布護異域獻精誠
冠蓋分行列戎夷變姓名
禮終齊百拜心潔盡忠貞
瑞氣千重色簫韶九奏聲
杖移迎日轉旆動逐風輕
休運威儀盛豐年俎豆盈
不堪慚頌德空此望簪纓

石倚

詩一首

舞千羽兩階

干羽能柔遠前階舞正陳欲稱文德盛先表樂聲新肅肅行初列森森氣益振動容和律呂變曲靜風塵化美超千古恩波及七旬已知天下服不獨有苗人

葉元良

一作亮
詩一首

御製段太尉碑

多難全高節時清軫聖君園塋標石篆雨露降天文義激忠貞沒詞傷蘭蕙楚國人皆墮淚王府已銘勲揭出臨新陌長留對古墳睿情幽感處應使九泉聞

裴大章

詩一首

恩賜魏文貞公諸孫舊第以導直臣

邢茅雖舊錫邸第是初榮迹往傷遺事恩深感直聲雲
孫方慶襲池館忽春生古甃開泉井新禽繞畫楹自然
垂帶礪况復激忠貞必使千年後長書竹帛名

崔宗

詩一首

恩賜耆老布帛

一作李絳詩

渙汗中天發殊私海外存衰顏逢聖代華髮受皇恩燭

物明堯日垂衣闢禹門惜時悲落景賜帛慰餘魂厚澤
沾祥詠微生保子孫盛明今尚齒歡洽九衢樽

鄭馥

詩一首

東都父老望幸

鑾輿秦地久羽衛洛陽空彼土雖憑固茲川乃得中龍
顏覲白日鶴髮仰清風望幸誠逾邈懷來意不窮昔因
封泰岳今佇躡維嵩天地心無異神祇理亦同翠華翔
渭北玉檢候闕東衆願其難阻明君早勒功

吳叔達

詩一首

言行相顧

聖人垂政教萬古意常傳立志言為本修身行乃先相
須寧得闕相顧在無偏榮辱當於已忠貞必動天大名
如副寶

一作實

至道亦通玄千里猶能應何云邇者焉

孟翱

詩一首

言行相顧

將使言堪復常聞行欲先比珪斯不玷修己直如弦跬

步非全進吹噓稟自然當令夫子察無宿仲由賢正遇
興邦際因懷入署年坐知清鑑下相顧有人焉

鄭昉

詩一首

人不易知

如面誠非一深心豈易知入秦書十上投楚歲三移和
玉翻為泣齊竽或濫吹周行雖有寘殷鑒在前規寅亮
推多士清通固賞竒病諸方號哲敢相反成疵冬日承
餘愛霜雲喜暫披無令見瞻後迴照復云疲

索求賢

詩一首

早春送郎官出宰

仙郎今出宰聖主下憂民
紫陌軒車送丹墀雨露新
趨程猶犯雪行縣正逢春
粉署時迴首銅章已在身
鳴琴化欲展起草廳空頻
今日都門外悠悠別漢臣

孟匡明

詩一首

餞王將軍赴雲中

一師憑廟畧分閫佐元戎
勢亞彤弓寵時推金印雄關

山橫代北旌節壯河東日轉前茅影春生細柳風飲冰

君

一作傳

命速揮涕餞

一作別

筵空佇聽陰山靜誰爭萬里

功

季子昂

詩一首

西戎即叙

懸首藁街中天兵破犬戎營收低隴月旗偃度湟風肅
殺三邊勁蕭條萬里空元戎咸服罪餘孽盡輸忠聖理
符軒化仁恩契禹功降逾洞庭險臬擬郅支窮已散軍

容捷還資廟算通今朝觀即敘非與獻葵同

御定全唐詩卷七百八十一